

ШУНМГЪА КӨДЛМШЧНР

Западн района „Пролетар-ская победа“ колхозин эл-джәх газрин агъуд кесг оln колхозникуд кӧдлдж йовцхана.

Эн колхоз 1957 джилд 576 центнер мах, 118.000 ӧндг, 1039 центнер ус государствд орулдж ӧгв. Давсн джилд колхоз, хӧн болгънас 4,5 килограмм ноос киргъад, 400 центнер ноос авхин орчд, 457 центнер ноос авб.

1957 джилд 1956 джилинлә дунъгцӱлхлә, колхоз 100 гектар газрин агъуд 4560 ӧндг, 14,1 центнер ус, 11,3 центнер мах ӱлӱгъяр авч.

Авсн даалгъвран кӱцӱахин тӧләд оln колхозникуд дунд цӱӱалгъврин кӧдлмш кегддж, социалистическ дӧрдӱан делгрдж йовсн учрар, давсн джиллин цуг кӧдлмшин ашнъ сӱн болдж темдглгдв. Эн колхозин ах хӧбч ӱр Ховаец Степан Васильевич даадж авсн хӧбдӱан нег чигн гару угагъяр гаргъсн деерӱан ноос авлгъиг чигн ӱзмджтӱгъяр кӱцӱав.

Давсн джилд ӱр Ховаец хӧн болгънас 3,3 килограмм ноос киргъдж авх даалгъвран авла. Тер даалгъвран кӱцӱахд шӱмддж кӧдлӱд, хӧн болгънас 4,5 килограмм ноос киргъдж авад, зура деерӱан 1650 килограмм ноос государствд колхозиннъ нерн деерӱас орулдж ӧгв. Терӱнӱ тоомсрта кӧдлмш темдглӱд, ӱр Ховаедин бригадиг 4525 арслнъ мӧнӱгӱр колхоз мӧрӱвл.

Шовуч ӱр Дзюба Александр давсн джилд ӧндггдг шовун болгънас 113 ӧндг авч, Западн районд негдгч орм эзлв.

Эн колхозин саальч Троянова Мария саалин ӱкр болгънас 2419 килограмм ус саадж авб. Саальч Гольдербайн А. саалин ӱкр болгънас 2350 килограмм ус саадж государствд орулдж ӧгв. Ах ӱкрч Бухмиллер А., Лычагин болн тугълч Криченко Л., Погорелова М. болн нань чигн улс тӱрӱн нӱурт йовгч улсин зерглӱнд йовцхана.

ЭЛЬДӱАН Эрдни.